

Pro Regio Fisco
In causa Oeconomatus.

D. Laudensi



Officium Oeconomatus in hoc Statu Medio-
lani antiquissimum est & optimo iure nixū,
& valde necessarium ad publici regiminis
rationem, atque ad Status conseruationē;
quare sicut per retroacta tempora à maio-
ribus nostris omnis semper nauata fuit ope-
ra, in executionem etiam litterarū Regia-
rum, vt contra nonnullorum Episcoporum conatus ad il-
lius euerfionem tendentes innocuum conseruaretur, itā
maximè hoc tempore inuigilandum & contendendum est,
vt factum rectum aduersus aliquorum modernorum Eccle-
siasticorum conspirationes, deffendatur, neue Regiæ iuris-
dictionis firmitudo in hoc labefactetur & detrimentum ca-
piat: Consistit autem potissimū in tribus.

Primò quòd mortuo aliquo beneficiario, quisquis ille sit, sta-
tim Oeconomus apprehendat possessionem bonorum be-
neficialium, illaque administret, & fructus colligat, seruetq;
pro successore.

Secundò quòd sine eius Placito nemo prouisus à Pontifice, vel
ab Ordinario nanciscatur possessionem beneficij obtenti;
sed is sit, qui & Placitam præstet & in possessionem inducat,
vel illud & possessionis relaxationem denegat, prout cogno-
uerit, prouisum esse vel non esse Suae M. confidentem, vel
alia iuridica ratione videat, id non expèdire, adhibita etiā
quali quali cognitione circa validitatem tituli; Quoad ta-
men Episcopatus & alias cathedrales dignitates expectatur
consensus Regius.

Tertiò quòd nullæ litteræ citatoriæ, inhibitoriæ, compulso-
riæ, vel alia quæq; mandata obtenta in Vrbe executioni
mittantur, absque eius Placito, præstando vel denegando;
prout cognouerit iuris esse, vel non expèdire. Attento præ-
sertim tenore indulti Leonis X. quod vocatur Leoninum,

A

quo

quo cauetur, ne quis ex hac prouincia trahatur extra forum suum in prima instantia .

Reperui etiam inter scripturas antiquas facientes ad hoc officium, consueuisse antiquioribus temporibus Oeconomos Ducales exigere decimas Papales, ac verò præcipuè, quando Duces de illis participabant .

Ratio autem introducendi hoc officium fuit, tum ne mortuo beneficiario vsurpationes & violentiæ in præiudicium Ecclesiarum, quarum Principes sunt protectores, consequantur, vnde etiam alia facinora promanant; Tum ne quisquâ indebitè intruderetur ad aliquod beneficium, quod caput præcipuè tangit Episcopos, qui vel hac potissimùm de causa exosos sæpius habuerunt Oeconomos, tanquam censores, & quibus sublatis facilius sibi redderetur vsurpatio iuris Pontificij, tam pro mensibus ad illû spectantibus, quàm aliter; Tum ne ad beneficia quisquam, nisi confidens S. M. admittatur; Et ad obuiandum scandalis, quæ in apprehensione possessionis beneficiorum per prouisos faciendæ de facili aliàs sequerentur; Et tum denique, vt priuilegia Status ad subditorum vtilitatem, ac verò potissimùm d. Leonis indultum obseruentur; Quæ omnia spectant ad laudem & honorem Dei, ad Status conseruationem, ad iustitiæ cultum, & ad rerum priuatarum & publicarum tranquillitatē.

Nèque pro tot laboribus salarium aliquod habet Oconomus, nisi quòd pro Placito recipit aureum vnum, & si beneficium habet dignitatem annexam, duos; quanquam multos ex vrbauitate soleat immunes facere, vt Illustriss. Cardinales, Reuerendiss. Episcopos, amicos, & sæpius alios, vel ratione paupertatis, vel alia de causa, adeò quòd non nisi modici emolumenti tale officium his temporibus esse soleat.

Antequam verò ad demonstrandam ipsius iustitiam circa dicta tria capita descendamus, operæ pretium est, breuibus eiusdem antiquitatem, & seriem facti, ex quo iustificatio veritatis colligi possit, præmittere.

Qua in re maximè obseruari debet Decretum Io. Galeatij Comitum Virtutum primi Mediolani Ducis anno 1386. 3. Augusti publicatum die 8. sequenti, quo cauebatur, ne quisquam

quam auderet absq; conscientia, vel licentia ipsius Domini
 impetrare dignitatem, vel beneficium aliquod, & quod ali-
 ter ad possessionem ipsius non admitteretur, imò in carcerē
 detruderetur, nec relāxaretur absque Domini speciali or-
 dine: Id enim nihil aliud est, quā Placet præstitum ante,
 quod nunc præstatur post obtentum beneficium; & de cu-
 ius decreti validitate infra videbimus; Cui accedit aliud
 Decretum eiusdem Ducis diei 26. Septembris sequentis, &
 publicatum die 28. huius tenoris. *Cum sepe contingat, præ-*
sertim importunitate petentium, quod diuersorum munerum pri-
uilegia tam Papalia, quā Imperialia concedantur, in præiudi-
cium, & graue damnum subditorum nostrorum, & perquam
iniuste, non sine magnis eorum incommodis, & sumptuosus labo-
ribus, & litigiosis iudiciorum anfractibus implorantur, proinde
volentes super hoc de salubri remedio providere, maxime ne ali-
quando subditi nostri virtute talium priuilegiorum indebita, &
iniuste suis remaneant bonis, & iuribus spoliati, seu per litigia
opprimantur, & vexentur, &c. tenore præsentium &c. sancimus
&c. quod nulla persona habitans sub nostro Dominio cuiusvis
status, gradus, conditionis, & dignitatis existat, siue secularis,
siue Ecclesiastica, audeat, vel præsumat per se, vel per alium
per rectum, vel per indirectum ire, vel mittere ad impetrandum
in quavis ex curijs Domini Papæ, seu Imperatoris &c. sine spe-
ciali licentia, vel mandato nostro, sub pena arbitraria ipsi Do-
mino, ultra nullitatem actus. Et subsequutum fuit aliud eius-
dem Ducis anni 1388. 20. Iulij, publicatum die 10. Au-
gusti sequentis, in quo sic præfatur. dispensare volentes su-
per inhibitione de non eundo ad Curiam Romanam impetratum
&c. volumus proclamari, quod quilibet ad dictam Curiam ire,
& mittere valeat ad impetrandum, & impetrata obtinere pos-
sendum (dignitatibus dumtaxat exceptis) quælibet alia sim-
plicita beneficia &c. dummodo non excedant Floren. 50. annuos.
 Idem legitur in Concordato, seu capitulis initis inter Ciui-
 tatem Mediolani. & Franciscum Primum, Sfortiam Quar-
 tum Mediolani Ducem, anno 14.... cap. 14. his verbis.
 Item che sia lecito à cadauna persona, impetrar priuilegij, & be-
 neficij del Sommo Pontefice, & da ciascuno altro Prelato, & dal

Imperatore, & da qualunque altro, à chi spetta, senza licenza dimandare, ne pagare alcuna cosa al pref. Sig. Duca, ne alli suoi successori predetti. cui petitioni Dux respondit in hunc modum. Respondet, pro impetratione beneficiorum, & dignitatum summam excedentium ducatonorum 60. ex redditibus, annuatim, à nobis volumus habere licentiam more solito, &c. pro aliorum verò impetratione licentiam peti non curamus. ab Imperatore autem &c. Hæc q; sunt decreta illa relata, & reprobata à Bossio in praxi fit. de Princ. num. 218. de quo tamen infra videbimus; quæ decreta habeo manuscripta in volumine antiquorum decretorum Ducum Mediolani fol. 10. 11. & 145.

Et hæc decreta fuerunt semper tempore Ducum ita inconculse seruata, vt nemo vnquã, nisi nominati à Duce eligeretur. Atque per ea antiqua tempora munus hoc Oeconomatus administrabatur per Officiales Ducales, licet laicos, quibus ipse Dux ita demandabat; qui pro administratione bonorum Ecclesiasticorum vacantium decimam pro se retinebant.

Deinde verò erectum fuit formale hoc officium sub nomine Oeconomatus, licet ob temporis antiquitatem incertum sit, quo primùm tempore originem habuerit.

Consueuerunt autem Duces Mediolani officium Oeconomatus cui vellent, concedere, absq; aliqua Summi Pontificis participatione, nec vnquam apparet, Sedem Apostolicam fuisse de hoc conquestam, sicq; seruatum est vsque ad annũ 1539. vt, omissis antiquioribus, contigit de Francisco Casiano electo à Francisco II. Sfortia anno 1525. Et de Paulo Turrio electo ab Antonio Leua anno 1528. in qua electione notanda sunt ea verba, cum dicit, officium hoc in Statu Mediolani latè patere, & spectare, nedum ad dignitatem, sed etiam ad vtilitatem Casarei Filci. Et de N. Caluino, qui eodem anno fuit electus à Francisco Oeconomus in Diocesi Derthonensi, eo expresso, vt teneretur reddere rationem administrationis bonorum Ecclesiasticorum Ministris ab ipso Duce deputandis.

Eo autem anno 1529. voluit Franciscus Dux, propter maximã suam

suam in Sedem Apostolicam reuerentiam (is enim fuerat opera Pontificis ad Statum Mediol. restitutus) vt huiusmodi generali suo Oeconomo; etiam Summi Pontificis adderetur auctoritas, Itaque tamen vt interim, donec Pontificia confirmatio accederet, administraret, ac si iam illa accessisset.

Atque ita deinde seruatum fuit; primum nempe cum Iacobo Picenardo Ducis Secretario, electo in Oeconomum, tum à Clemente VII. tum etiam ab ipso Duce, anno siquidem 1529. primo Aprilis; in qua quidem Ducali deputatione maximè ponderanda sunt verba hæc, & præsertim cum ad hanc ei Prouinciam demandandam Summi Pontificis Clementis VII. litteris persuasi fuerimus, & infra quæcunque beneficia Ecclesiastica secularia, & regularia, tam cum cura, quam sine cura &c. & infra possessionem quoque quorumcunque beneficiorum in prefato Dominio, & Statu nostro in dies vacantium apprehendendi, & apprehendi faciendi, fructusque & ficta vsup. exigendi, & conseruandi ad eorum utilitatem, quorum interest, & quibus nos Placitum nostrum concesserimus, nec non necessitatibus Ecclesiarum, tam circa Diuinum Cultum, quam dictum Ministrorum providendi, citationes, & præcepta quæcunque quibus expedit, & sibi videbitur, pro præmissorum occasione, & executione transmittendi, & quascunque penas, & multas eis irrogandi, contrafacientes ordines, & decreta Ducalia, circa negotia Ecclesiastica (& hæc sunt illa Io. Galeatij superius recitata) iuxta eorum dispositionem puniendi, & penas, et multas Camere nostræ applicandi; cum facultate substituendi &c.

Anno deinde 1531. 15. Decembris electus fuit Melchion Lāgus à Clemente VII. videlicet ad capiendum Camere Apostolicæ nomine possessionem quarumcunque Ecclesiarum, & Monasteriorum, ac beneficiorum, cum illa per tempora vacare contigerit, & eorum quorum possessionem ceperit, conseruandum, pro eligendis &c. & intrusos expellendum &c. Ad cuius deputationis normam cæteræ pariter sunt conceptæ. Die autem 22. eiusdem mensis. Idem obtinuit electionem à Duce Francisco II. ob eius benemerita, in qua electione inter cætera leguntur hæc verba. Propterea tenore præsentium,

motu proprio ex certa scientia, cassantes, & annullantes omnes,
& singulos speciales, & generales Oeconomos quomodolibet ha-
eremus constitutos omni meliori modo. In reliquis autem
deputatio, seu electio est concepta iisdem verbis, ut illa Pi-
cenardi proxime supra recitata.

Largo successit Franciscus Gutierrez familiaris Excell. Ma-
chionis Vastitunc Gubernatoris huius Status.

Anno autem 1547. 10. Iun. M. Antonius Patanella electus fuit
à Maiestate Casarea; anno autem 1549. 5. Robt. fuit etiam
electus à Paulo III. & quanquam is non potuisset ultra per
biennium obtinere ob calumnias Pontifici insinuat, inter-
rim tamen liberè administravit, & tandem Summus ille
Pontifex post rem diù, ac diligentissimè tractatam mediò
Excellentissimi Don Didaci Mendotia tunc Oratoris Cæ-
sarei apud suam Sanctitatem, & Illustrissimi Cardinalis Pe-
ronetti Granuelani circa merita, & iustitiam dicti officij,
postquam intellexit iura suæ Reg. Maieft. tandem acquie-
uit, & ipsi Patanellæ consuetam confirmationem concessit.

Anno autem 1565. conuictus fuit Sanctus Carolus tunc Ar-
chiepiscopus Mediolani apud S. M. quòd Oeconomus de-
putaret Parochos pro tempore, quo Ecclesiæ vacabant;
contra formam Sacri Concilij, atq; nomine Ecclesiastico-
rum data fuit Illustrissimo tunc Præsidi Senatus Gabrieli
Casato notula prætenforum excessu ipsius Oeconomi, ut
sequitur.

Graua mina, quæ anno 1565. fuerunt exhibita contra Reuer.

D. Oeconomum.

O Economus transgreditur suas facultates à Sede Aposto-
lica concessas, eas præfertim, quas habet vigore breuis
Pauli III. quo cauetur, ut apponat manus ad beneficia tan-
tùm Sedi Apostolicæ reservata.

Suscipit iudicium super collationibus beneficiorum.

Vendit beneficiorum fructus, qui seruando seruari possunt, in
præiudicium successorum in beneficijs.

Impedit Episcopos, quò minus in Ecclesijs Parochialibus
vacan-

vacantibus deputent Vicarium iux. Conc. Trident. sess. 24. cap. 18.

Gruat prouisos de beneficijs grauibz expensis, & exactio-
nibus, exigit pro dignitatibus aureos duos, pro alijs etiam
quantum cumque minimis, vñum, Cancellarius, seu Nota-
rius exigit pro dignitatibus quinquaginta solidos, & pro
alijs vigintiquinque. Subœconomi etiam, seu sub collecto-
res, extra Mediolanum, sibi quandam pecuniæ quantitatē,
pro eorum portionibus exigunt.

Exigit etiam pecunias pro concessione possessionis beneficio-
rum, quæ sunt de iure patronatus Serenissimj Regis. Ita
enim dupplici onere grauantur, si qui præsentantur à Rege,
& expensis expeditionis beneplaciti Regij, & expensis pro
adipiscenda possessione.

Statuendum esset.

Quod non se intromittat nisi in beneficijs Sedi Apostoli-
cæ reservatis, iuxta d. breue Pauli III. dummodo non
sint Parochialia.

Pro beneficijs quæ non excedunt summam centum ducatonor-
um iuxta verum valorem, nihil exigit, nec ipse, nec eius
Subœconomi, vel Notarij. Pro his vero quæ dictum valo-
rem excedunt, supradicti omnes pro laboribus, & expensis,
non exigant plus medio aureo. In beneficijs vero iuris pa-
tronatus Regij, nihil omninò exigit.

Subœconomi, singulis saltem annis reddant rationem Episco-
po, vel eius Vicario, ac vni deputato à Capitulo de eorum
officio, ac omnibus fructibus beneficiorum per eos percep-
tis.

Quibus grauaminibus Patanellæ datis à dicto Illustrissimo
Præside, vt ijs responderet, ipse tam ad se exgrauandum,
quàm etiam pro iuris Regij defensione, preces porrexit
Sux Cæsareæ Maiestati, in quibus post præmissa aliqua ge-
neralia circa antiquitatem, & iusticiam huius officij, tandē
d. seriariū, & latius respondit, breuiter tamen responsio in
id tendit, videlicet.

Ad primum dixit, se non excedere solitum suorum antecessorum, qui munus ipsum Oeconomatus semper exercuerant quoad omnia beneficia tam reservata Pontificibus, quam quæ ab Ordinarijs conferuntur atq; esse notorium, & constare ex libris, & actis ipsius Oeconomatus. Talem etiam colligi mentem Pauli III. in d. eius deputatione, tum ex ratione præmiali, quæ generalis est, nempe ad obviandum usurpationibus, & alijs scandalis, quæ alias vacantibus Ecclesijs, & in earum apprehensione orirentur; tum etiam quia electio Ducalis, ad cuius confirmationem dirigebatur illa Papalis, generalis esset; tum etiam quia illa verba deputationis Pontificæ, cum *in faciem honoribus, & oneribus, ac iurisdictionibus facultatibus, per alios eius antecessores haberi solitis &c.* omnem tollerent amantudinem; & proinde illa alia verba, quæ per Ecclesiasticos captabantur, ibi videlicet. *ut possessionem cum fructibus consignetis ijs, quibus per nos de Ecclesijs, & beneficijs prouisum fuerit, & qui litteras prouisionis per nos factæ sibi præsentauerint*, non esse trahenda ad restrictionem officij, ita ut præter beneficia prouisa à Pontifice nihil aliud possit, sed esse capienda in vim specialis expressionis factæ de eo casu, tanquam digno particulari expressiōe, & maiori diligentia, ob absentiam, & reuerentiam Pontificis; & amplius ea verba fuisse prolata ad eum finem, ut adverteret, ne beneficiorum Summo Pontifici reservatorum possessionem alijs relaxaret, quàm prouisis ab ipso.

Ad secundum respondit, id sibi licere vigore suæ deputationis, & antiquissimæ quasi possessionis, & obseruantia maiorem suorum; id tamen agere summarie, & sine strepitu iudicij.

Ad tertium respondit, esse commentum, præterquam in vno tantum beneficio auctorum 15. in Diœcesi Derronenſi, de quo rationem dedisset Subœconomus ibi constitutus, qui huic querimonie causam dederat.

Ad quartum respondit, id sibi licere vigore dictarum deputationum, neq; obstare Sacrum Concilium Tridentinũ, quia procedat, vbi non adest Oeconomus, atq; huic capiti cau-

sam

sam dedisse turbas hac de re secutas cum Reverendissimo Episcopo Derthonensi, qui tandem post missas hinc inde literas à Senatu ad ipsum acquirerat, eo firmato temperamento, vt Subœconomus ille eligeret nominandum ab ipso Episcopo, qui curam Ecclesiæ vacantis, interim, dum de successore prouideretur, haberet . . .

Ad quintum respondit, meram esse calumniam, quia nihil ipse exigerat, nisi exiguam illam mercedulam solitam dari, quando Regium Placet conceditur; multos tamen ex gratia immunes pertransire, vt Illustrissimos Cardinales, Reuerendissimos Episcopos, amicos, & pauperes.

Ad sextum deniq; respondit, vt supra, imò se gratis dedisse Placet omnib⁹ prouisis ad beneficia iurispatronatus Regij.

Quod verò attinet ad d. quatuor moderamina proposita, sic respondit . . .

Ad primum dixit, nullo modo admittendum esse, quia esset contra ius, & antiquissimam consuetudinem, & contra formam suarum concessionum, & in præiudicium boni publici, ac Regiæ iurisdictionis, vt patet ex responso dato ad primum grauamen . . .

Ad secundum, & tertium pariter respondit, petitionem esse iniustam, contra antiquissimam consuetudinem, & præcipuè, quia maior pars beneficiorum sit minoris summæ aureorum 100. & illa maiora beneficia vt plurimum Illustrissimis Cardinalibus conferantur, qui gratis pertranscunt, & nullum aliud salarium dari Oeconomis, adeò quòd sublata ea modica mercedula nullus esset, qui hunc laborem sine mercede subire vellet, quod esset, officium ipsum anihulare . . .

Ad quartum denique respondit, id nedum esse meram nouitatem contra solitum, & ius ipsum ac naturam officij quæ est, vt Subœconomus reddat rationem ipsimet Oeconomis, à quo deputatur, sed etiam ea potissimum ratione, quòd Oeconomatus officium sit ad eum quoq; potissimum finem institutum, vt manuteneatur, ac deferatur iurisdicção Pōtificia, ne ad beneficia reservata Pontifici admittantur, qui per electionem Ordinariorum aliàs sæpius intruderentur.

Atque eodem ferè modo responsum fuit ab Excell. Senatu
Mediolani Excellentissimæ tunc Governatori Gabrieli Cues-
æ, qui monuerat ipsum Senatum de querimonia Illustriss.
Cardinalis apud suam Maiestatem.

Anno postea 1581. 28. Nouembriis iam defuncto Pattanella
electus fuit a S. M. Io. Duartes qui per triennium admini-
strauit antequam à Summo Pontifice impetrare potuisset
Pontificiam deputationem, propter multas difficultates
in hoc Episcoporum huius Status apud suam Sanctitatem
villam non concederetur intellectas; licet tandem sua Sancti-
tas intellectis iuribus S. M. acquieuerit, & illum eundem
Duartem confirmauerit, seu elegerit.

Hic Duartes cum publicari fecisset conueta proclamata pro
observatione eorum, quæ muneris suo spectabant, & mox
contra quosdam transgressores ad poenas procedere inten-
deret, ac præcipue contra quendam de Cantonis impetra-
uit ille de Cantonis medio amicorum, apud Gregorium
XIII. vt mandaret; nomine fuor dari litteras per Illustris-
simum Cardinalem Guastavillanum ad Oeconomum, vt in
sui gratiam contentaretur poenam, seu multam dicto Can-
tono condonare.

Deinde pariter defuncto Duarte deputatus fuit ab Excellen-
tissimo tunc Governatore Reuer. Io. Ambrosius Ferrarius,
qui per internum exerceuit munus hoc Oeconomatus, absq;
aliqua Pontificis approbatione donec successor eligeretur.

Anno postea 1582. electus fuit à S. M. Episcopus Aquis
Cottachiana, qui erat Senator Mediolani; qui anno 1585.
1. Octobris, vt occurreret aliquorum moribus, publicari
fecit edictum quo districtim præciperetur sub certis poenis,
ne quisquam auderet apprehendere possessionem alicuius
beneficii nisi prius habito regio placito &c.

Anno 1591. electus fuit Reuerendiss. Abbas Sfortia Specia-
nus, cui accessit pariter deputatio Pontificia.

Anno 1595. mortuo Illustris Archiepiscopo Vicecomite, &
apprehensa Archiepiscopatus possessione per dictum Ab-
batem Specianum Oeconomum, resistente Reuerendissimo
Seneca Vicario Generali, orta fuit ea de causa inter ipsos

controuerſia, procedente Vicario per cenſuras, præcipue ſub eo quaſito colore, quod in actu apprehenſionis illata fuiſſet viſ Eccleſiaſticis, & contra ipſos exploſus ſclopus; factumque eſt, vt ad obuiandum maioribus malis, & ad deſtendendum iura S. M. & informandam Suam Sanctitatem de veritate aduerſus commenta dicti D. Vicarij Senecæ, nempe dictam apprehenſionem cum omni vrbauitate, & ſemota omni violentia factam fuiſſe, & iuxta ſolitum antiquiſſimum ex iure S. M. eiſq; antecceſſoribus competente, miſſus fuerit ad urbem Agr. tunc Aduocatus Fiſcalis D. Federicus Quintius, qui in mandatis habuit, vt cum omni quidem reuerentia & ciuilitate ageret cum Sua Sanctitate, aliſq; Miniſtris eius Curia, ita tamen, vt, iſtis non acquieſcentibus, verbis efficaciſ, & enixis ſignificaret, Suam Maieſtatem nullo modo de iure ſuo clariſſimo, atque indubitato deceſſuram, omniq; meliori via deſenſuram quod à Ducibus Mediolanæ quietè poſſeſſum acceperat, mediante perſona Cæſaris patris ſui, quibus Ducibus Sua M. non debebat eſſe peioris conditionis. præcipue ita exigentia temporum qualitate, atque iſtius Catholici Regis erga Sanctam Sedem meritis, & ſi quæ ſcandala ſecuta inde fuiſſent, iſtis Eccleſiaſticis imputandum iri, qui noua molientes & in meſſem alienam pedem inferentes, vt conſuetudine ſua latius proſcèderent, turbationib. cauſam darent.

Fuit etiam tunc ex latere Eccleſiaſticorum excitata prætenſio, quòd d. bulla Clementis VII. non ſit intelligenda de Cathedralibus Eccleſijs, quia de ijs non ſit facta expreſſa mentio; & ſtante eius obſcuritate non poſſe fieri vim ſuper obſeruantia.

Tandem verò Oeconomus Specianus, qui hac de cauſa fuit Romæ, miſſione imperrata, Mediolanum reuerſus eſt, re ita compoſita, vt interim, donec aliud decideretur, nihil innouaretur.

D. Speriſano ſucceſſit Reuerendiſ. Turrius Præpoſitus Scalenſis anni 1611. cui acceſſit confirmatio Pontificis, & nunc ob eius mortem ſecutam anno præterito 1622. vacat officium, quòd per interim exercetur à M. Ill. & M. Reu. Do-

Amico Don Vincentio Ferrerio? *Amico Don Vincentio Ferrerio?*
Anno autem 1615. Concordia facta inter vtrumque forum,
quod spectat ad hoc officium, ita conuentum fuit cap. 14.
*Circa officium Oeconomatus tollantur abusus Oeconomorum, prout
de eis consuevit.*
Cumq. aliqui ex Ecclesiasticis, nata maximè occasione hu-
ius vacantie, conspirasse dicantur ad euerſionem huius of-
ficij, omnino cogimur demonstrare illud vti antiquissimum
est, & ad Status conseruationem, & ad rerum priuatam,
& publicarum commodum, & vtilitatem spectans, ita etiã
optimo iure esse nixum, & proinde pedibus, manibusq. vt
dicitur, defendendum.

In nomine Domini.

ET si stante dispositione dictæ Concordiæ factæ inter
vtrumq. forum huius Status anno 1515. non sit in du-
bium, reuocanda substantia, & firmitudo prædicti officij
Oeconomatus, sed dumtaxat audiendi sint Ecclesiastici,
quatenus vellent docere de aliquo abusu, & excessu præter
solutum, siquidem vigore d. cap. 14. quod ita cauetur, *Circa
officium Oeconomatus tollantur abusus Oeconomorum, prout de eis
conſuevit.* de quibus quidem prætextis abutibus nonnulla in
fine dicemus, tamen ad maiorem iustificationem, & clari-
tatem iuris Regij libet, seriatim circa d. tria capitula, in initio
recensita, circa quæ versatur facultas Oeconomorum, paulisper
insistere, præcipuè, quia ex dicendis apparebit, frustra ex
aduerso nonnullos actus ab Oeconomis fieri solitos pro-
poni tanquam abusus, cum verè non sint, nisi totum officiũ
destruere velimus.

Quod igitur spectat ad primum caput auctoritatis Oeco-
nomi etiam semora dictæ Concordia, tamen silere de-
beret omnis controuersia, quia esto, quòd in puris terminis
regula sit, custodiam beneficiõrum vacantium spectare ad
eum, ad quem spectat collatio, & sic vel Pontificem, vel ad
loci Ordinarium, vel ad Capitulum c. cum vos de offic. ord.

& not. Philippus Franc. in c. generali col. fin. in gl. huiusmodi de
elect. in c. T. beff. decis. 131. num. 5. etiam quod agatur de be-
neficio patronato. Ut not. glosa in d. c. generali Roch. de Curie
de iure patron. super verbo honorificum q. 26. num. 57. Tamen
si alia inualuerit longa consuetudo fauore alicuius laici, ea
seruari debet, iuxta tex. in c. c. generali constitutione de elect. in
c. ubi excommunicantur, qui regalia, custodiam, sine guar-
diam, aduocationis, seu deffensionis titulum in Ecclesijs, Mona-
sterijs, seu quibuscumque alijs pijs locis de nouo usurpare conantes,
bona ipsorum locorum vacantium occupare presumunt: qui au-
tem ab ipsarum Ecclesiarum ceterarumue locorum fundatione,
vel ex antiqua consuetudine iura sibi huiusmodi vendicant,
prohibentur, solum abstinere ab illorum abusu, id est, quod
ea, que non pertinent ad fructus sine redditus prouenientes vaca-
tionis tempore, non usurpent, nec bona cetera, quorum se afferunt,
habere custodiam, dilabi permittant, sed in bono statu conseruent,
& ibi glosa in figuratione casus ponit casum primæ partis
in Comitē, vel Duce, qui dicebat: habere iura regalia in ip-
sa Ecclesia, & occupauit custodiam Ecclesiæ vacantis, &
pratendebat, facere suos fructus temporis vacationis, licet
nunquam fuisset vsus tali iure, & ponit casum secundæ par-
tis in Rege, vel alio Principe non recognoscente superiore
in temporalibus habente ista regalia in aliquibus Ecclesijs,
sicut habet Rex Franciæ in Ecclesia Ebraicensi, & in mul-
tis alijs Ecclesijs in Normandia; dicit enim, istum iuste fa-
cere fructus suos interim perceptos, nisi præmaturè eos per-
cipiat, ut in sylua cedua nundum matura, quibus in termi-
nis intelligo abusum, de quo loquitur textus.

Et passim ita communiter notat Doctores, glo. ibid. Verbo. anti-
qua. Arch. sub nu. 3. super verbo, guardiam ibi, & hoc verbum,
reprehendens aliquos intelligentes eum textum de Eccle-
sijs tantum patronatis, dicens, textum esse intelligendum,
simpliciter, sicut sonat Specul. tit. ne Sede vacante num. 6. e-
dicens, aliquos Principes de consuetudine Sede vacante
habere guardiam, seu custodiam, & administrationem bo-
norum Episcopatum, & agere, & conueniri nomine Epi-
scopatuum, & ita obseruari per quosdam nobiles in Ciuita

te Florentiæ; *Carolus Digraffal. de regal. Regis Franciæ iure*
20. sub vers. Ad Regem custodia Ecclesiarum maiorum vacan-
tium pertinet iure regalitatis addens Corsetum de pot. & excell. Re-
gis q. 56. idem not. Franc. Marcus q. 44. num. 8. 9. Theff.
d. decis. 131. per totam, dicens sub num. 21. ita seruari etiam
quoad Cardinales. Accedit Ferrett. cons. 142. dicens num.
7. opposita procedere in administratione generali etiam
spiritualium (quamquam in ijs etiam idem dicat Franc.
Marcus ubi sup.) Amad. à Ponte tit. quis sit iud. Et caus. feud.
nu. 49. dicens talem consuetudinem seruari Pedemonti, &
esse rationabilem, dummodo non impediatur Diuinus cul-
tus, & simplex adhibeatur custodia absque aliquo abusu,
Theff. d. decis. 131. col. fin. post Abbacem, & alios modernos.
Et tale ius computatur inter regalia. Archid. d. cap. gene-
rali. sub num. 1. & ibid. lo. Andr. col. fin. in princip. Innoc. c.
super his num. 7. de elect. Io. de Selua de benef. par. 2. quæst. 23.
sub num. 37. Imò valere talem consuetudinem etiam fa-
uore priuatorum not. Anchâr. in d. c. generalis sub num. 6.
vers. guardiam, & Io. Andr. ibid. colum. 2. super verbo. V en-
dicant, & Gemin. col. 2. vers. qui autem, dum referunt, ita
seruari Parmæ, & Florentiæ, per Vicedominos, & Tosingos.
 Ratio autem validitatis huiusmodi consuetudinis est, quia
 cum talis custodia respiciat tantum fructus, qui sunt merè
 temporales, idè laicus non potest dici talis iuris incapax,
 & consequenter potest illud præscribere, *Theff. d. decis. 131.*
num. 6. sicut hac ratione dicunt DD. Iudicem laicum co-
gnoscere de mero possessione inter Ecclesiasticos, quia illud
nihil habet spiritualitatis idem Theff. decis. 82. Bouadill. in
sua polit. lib. 2. cap. 18. casu 59. nu. 141. Præsertim verò
stante rationabili, & laudabili scopo talis consuetudinis,
idest ab tutanda bona Ecclesiarum ab usurpationibus, &
invasionibus, quæ aliàs, interim tempore vacantiarum se-
qui possent, & deinde ad obuiandum scandalis aliàs de fa-
cili secuturis tempore apprehensionis possessionis faciende
per prouisum de ipso beneficio; ut post alios not. Theff. num.
7. 8. 9. & addit num. 12. Principum curam esse, ut Ecclesia-
rum sint defensores, & protectores. Et amplius arguit
Theff.

Theff. ibid. nu. 12. à fortiori, quòd si valet consuetudo, ne de-
tur possessio prouis ad beneficia; nisi procedente Placito
Regio, ut infra videbimus, magis dicendum sit, valere hanc
consuetudinem circa nudam custodiam, in qua nihil detra-

tante Oeconomo, cessat ius alias competens Canonici-
circa administrationem, tum de iure communis tum ex for-
ma Sacri Concilij Tridentini; Quia semper de iure præ-
fertur Oeconomas; c. quoniam dist. 75. gl. x. illud 12. q. 2.
Imol. c. cum vos nu. 8. vers. Ecclesie. Verò Cathedralis de off. m-
din. Abb. c. bonem. 1. de appell. ubi dicit; custodiam hoc
ordine dari. Primò Oeconomo, si adest. Secundò Canō-
nicis, si reperiuntur idonei. Tertiò Clericis, dummodo pa-
riter sint idonei. Postremò Archiepiscopo.

Idque maximè procedit, in Archiepiscopatibus, Episcopati-
bus, & alijs Cathedralibus Ecclesijs, quia in ijs Principes
dicuntur patroni, & habent maius ius & particulare præ-
rogatiuam custodiæ ac defensionis, ut not. *Theff. d. decif.*
131. sub nu. 12. vers. & maximè ex Marco q. 66. nu. 2. Et
solos ad hoc allegari *Archid. c. latis 73. dist. post. Hug. ibid.*
Bal. in proem. decret. verbo, Rex pacificus. col. 13. sub num. 12.
vers. Reges. & in c. quanto, in fi. de ind. ubi applicat ad Du-
cēs Alamaniæ. Lup. in c. per vestras. in cap. 2. in scripto. intro-
ductio.

Imò etiam posset eligi laicus in Oeconomum, si consuetudo
talis esset, quia, quòd dicitur Oeconomum in reb. Eccle-
siae non posse esse laicum c. indicatum. dist. 89. c. quoniam
c. in noua 16. q. 7. procedit, quandò simul cum temporali-
bus committitur ei etiam cura spiritualium, secus si tem-
poralium dumtaxat, ut declarat *Specul. in ho. Oecon. num. 2.*
& latius Io. de Selua de benef. 3. 2. quest. 23. n. 12. post Abb.
in c. 2. de iud. & in c. unico de synod. col. 1. & in c. edoceri. de
refer. & post glosam in d. c. indicatum. verbo, inter circa finem,
prout ita seruabatur antiquitus tempore Ducum Medio-
lani, ut supra narratum est.

Neg; dubitandum est in praesentia, de lapsu debiti temporis
ad prescriptionem seu consuetudinem, siue verior sit sen-
tentia

tentia glosa in d. c. generali. Verbo. de nouo. quod sufficiant
anni 40. siue quod requirantur anni 60. *vt dicit Theff. d. de
cis. l. 31. sub num. 12. post Marcum q. 552. & seq. lib. 2.* siue
verior sit dissipatio, an adsit titulus, nec ne, primo casu
sufficere annos 40; altero requiri tempus immemorabile,
vt voluit Archid. in c. c. generali. col. 3. super verbo. consue-
tudine. per textum in c. 1. de præs. quam tamen reprehendit
Gemin. ibid. col. fin. quia ille textus loquatur tantum
de iure iam creato certæ personæ tributo; non autem de
creando, *vt hic.* Etenim *vt res sit.* adest in casu nostro
antiquissima consuetudo supra omnem memoriam.

Et, si rā seruatum est tempore Ducum Mediolani, fortius ser-
uari debet fauore Potētiss. Regis, quia Regibus hac in re
maiusus competit, propter eorum excellentiam, quā
alijs; *vt in terminis not. Io. de Selua d. 2. 2. quæst. 23. nu. 52.*

Quod attinet ad secundum caput muneris Oeconomoru
circa præstationem Placiti dandi, vel denegandi pro-
missis à Pontifice, vel ab Ordinario de aliquo beneficio,
ad eod quod sine illo possessionem beneficii non nanciscatur,
res caret omni prorsus dubitatione, nedum ob talem anti-
quissimam, & immemorabilem in hoc Statu cōsuetudinem,
sed etiam attenta iuris Canonici dispositione, *c. quod sicut,
& c. cum terra. extr. de electi. & c. Adrianus vers. in super 63.
dist. c. Agatho. 73. dist. c. cum inter vniuersas. in fin. c. innotuit.
cap. fin. dist. de elect. cap. Reatinæ cap. nob. c. principali. c. cum
longe d. 73. dist. c. de hoc. Vbi gl. de simon, in quibus iuribus*
licet improbetur consuetudo, quod Princeps laicus inter-
ueniat electioni Episcopi, tamen dicitur, electionem iam
factam esse ipsi Principi præsentandam, *vt illi præstet assen-*
sus. *vt sic Principis assensus non requiratur in actu*
electionis tanquam quid intrinsecum, & substantiale, nempe,
quia electio, vti quid spirituale, non potest cadere in
laicum, vt not. gl. in d. c. quod sicut. verbo. impedire. Io. Andr.
col. 2. in princ. Bald. & Imol. num. 3. & Butr. sub num. 1. sed
requiratur ex post, *vti quid extrinsecum, ad eum nempe*
finem, & effectum pro publica utilitate. vt nisi fuerit Prin-
cipi seculari cōfidens, electio retractetur, & alius eligatur,

et not. Innot. in d. c. super his. nu. 7. de elect. Host. in d. c. quod si-
 cut. super verbo. interposita. Anchar. ibid. sub num. 5. vers. ad-
 uerte tamen. & Abb. sub num. 7. Anan. nu. 3. & Butr. sub nu.
 16. & 18. sic etiam gl. in c. Abbatem in Monasterio 18. q. 2. lo.
 de Sclua in tract. de benef. p. 2. quest. 23. sub num. 2. vers. sex-
 to. & nu. 3. 4. 33. 55. 57. 58. 64. & seqq. Carol. Digressal. de
 regal. Francie in iure 12. in princ. post Compstellan. in d. c.
 quod sicut. & Henric. Boic. in cap. quod nob. de iure parr. Lup.
 in d. c. per vestras. cap. 2. inscripro. Introductio. nu. 25. 26. Re-
 buffus in Concordatis tit. de Regia ad prelat. nomin. faci. super
 verbo. prouidere possit. pag. mihi 157. Fran. Marcus decis. 44.
 num. 14. 15. vbi loquitur formaliter de litteris nuncupatis
 de Placet.

Ratio autem est, quia posset suspectus, & non confi- lens Prin-
 cipi reuelare secreta Regni, seu Status hostibus Principis,
 iuxta tex. in l. omne. §. explorator. ff. de remilit. & l. 4. C. de
 commerc. & mercat. vel quid aliud contra publicam quie-
 tem, & Principis statum machinari; Et formaliter dicit
 Abbas sub d. nu. 7. post Ancharanum, posse Principem non
 admittere electum, qui sibi non sit confidens; & Butrius sub
 d. num. 16. attestatur, ita seruari de facto. Et Hostiensis in
 d. c. cum terra. super verbo. Princeps; dicit, quod presentatio
 electionis sit Principi, vt dicat Placet, vel non Placet; quod
 obseruandum est pro nobis, qui talem assensum vocamus.
 Placet Regium. Idq. est adeo verum, vt possit Episcopus
 eijci, postquam est in quasi possessione Episcopatus, si fiat
 inimicus Principis, siquidem, quia licet Principes non ha-
 beat in Ecclesiasticos contentiosam, & iudicalem iurisdictionem
 habet tamen dictionem Oeconomicam, & Politicam, vt
 post alios not. Cenall. de cogn. per viam viol. post prologum. Bo-
 radilla in politica lib. 2. cap. 18. num. 62. & cap. 19. num. 31.
 & cap. 17. num. 68. Cened. 7. 45. nu. 23. 24. Men. cons. 1000.
 num. 98. & passim alij. Et confirmatur a fortiori ex his,
 quae latissime congeruntur a Cenallos vbi sup. post dictum pro-
 log. gl. 1. 2. 3. 4. 5. & 6. vbi pluribus demonstrat, rationa-
 bilem esse consuetudinem in Hispania, vt Regia tribuna-
 lia cognoscant de causis violentiae, quia id spectat ad def-
 ensionem subditorum, & ad publicam quietem, & ad Sta-
 tus

tus conferuationem; & præcipuè in d. gl. 5. dicit, consuetu-
dinem immemorabilem equiparari priuilegio, & sufficere
annos 60.

Quinimò in d. c. *Adrianus*. excommunicantur contrafacientes,
in illis verbis. *Insuper Archiepiscopos, & Episcopos per singulis*
Provincias a beo. inuestituram accipere definiuit, & missi à Rege lau-
detur, & inuestiatur Episcopus, à nemine consecratur, & quocunq;
contra hoc decretum ageret, anathematis vinculo eum innodauit.

Et præmissa ratio diffidentia maximè potest procedere in ex-
teris, *Butr. sub num. 16.* vt scilicet, pro iusta causa Princeps
mouëatur ad non confidendum de electo, quod ipse electus
sit exterus; quod pluribus confirmat *lo. de Selua d. p. 2. quest. 23.*
nu. 57. cum sequentib. post Zenelinum in extran. Ioannes 22. quest.
incip. execrabilis. & alios communiter ibi per eum cumulat. &
dicit *Butrius* ita feruari Bononiæ, & Florentiæ; quod po-
test iurificè confirmari, ex notatis per *Couarr. præf. qq. cap.*
35. col. antep. vers. Secundo adnotandum est. vbi pluribus com-
mendat obseruantiam Regni Castellæ, ne exteri ad bene-
ficia eius Regni admittantur, dicens, eam non tantum pro-
cedere à concessione Romanorum Pontificum, à præscrip-
tione, & ab vsu immemorabili, sed etiam habere iuris fo-
rumentum pro bono publico, ex traditis per *Gul. de Bened.*
Gosman, & Dainum, Siluam, Rebuff. Gomei. Digraffa-
lium, Corfett. Felyn. Roch. & Lambert. per eum allega-
tos; in tantum, vt referat teste Soto, in Sacro Concilio Tri-
dentino fuisse consultum, vt ita vniuersaliter sanciretur,
quod dicit Couarruias sanctissimum, & Reipublicæ con-
saltissimum futurum, & idem latius comprobat Azueuius tomo
1. noue recopilat. lib. 1. tit. 2. super l. 14. & 25.

Possent etiam Princeps moueri ea ratione, quod electus sit vir
criminofus, quia interest Reip. habere bonum rectorem,
lo. de Selua de benef. d. p. 2. q. 23. nu. 54 cum plurib. seqq.

Affertur etiam ratio, ne alias in apprehensione possessionis
sequantur scandala in terminis, *Ang. conf. 23. Eirrat. conf. 1.*
num. 15. (adducens exemplum in causis possessorijs &c.)
Thef. d. decis. 131. nu. 7. 8. Amad. à Ponte post qq. Lunden.
tit. quis sit iud. in causis feud. num. 48.

Ex quibus tollitur contrarium *cons. Abb. 83.* opera nostrorum Ecclesiasticorum nouissime impressum Bononiæ in volum. diuersorum pro Ecclesia, qui allegat tantum generalia, quod laici non habeant se intromittere in spiritualibus; & non degustauit prædicta iura, & rationes.

Idq; obtinet nedum respectu Episcoporum, sed etiam quorumcunque inferiorum Prælatorum, quia militat eadem ratio diffidentiae, & suspicionis, quæ æquè potest cadere in prælato inferiori, ac in Præsule, vt in terminis not. *Io. de Selua de benef. par. 2. quæst. 23. num. 58.* Et amplius ita probant text. in d. c. cum terra. qui loquitur de Ecclesijs Collegiatis; & in c. cum longè 63. dist. ibi, electiones quoq; Summorum Pontificum, atq; aliorum infra præsulum, quodam Imperatoribus presentabantur, quod licet ab aula recesserit respectu Summi Pontificis, tamen sat est, inde probari validitatem talis consuetudinis, quoad alios, quæ apud nos seruatur.

Et quanquam aliquo respectu videatur militare fortior ratio in Ecclesijs Cathedralibus; quia Principes dicantur earum patroni, vt supra retuli ex Archidiacono, & alijs; tamen vice versa alijs respectibus contra est nempè ob maiorem prærogatiuam Ecclesiarum Cathedraliũ, & Parochialium, in quibus propterea laici habent minùs ius habitu, quàm super alijs bonis Ecclesiasticis, vt patet ex cap. nob. fuit de iure patron. & not. per glo. in d. c. quod sicut. verbo. impedire. per tex. in c. sacrosancta. c. tit. de elect. iunctis not. per Io. Seluam in d. tract. de benef. p. 2. quæst. 23. sub nu. 37. Roch. de Curte de iure patron. verbo. in Ecclesia. q. 2. sub num. 3. vers. & si quis, præterquam quòd imò videntur Reges patroni vniuersaliter omnium Ecclesiarum, vt generaliter loquitur, *Bobadill. in d. sua politica, lib. 2. cap. 18. sub num. 296.* Et quicquid sit, sat est, d. rationem diffidentiae, vel confidentiae æquè militare in omnibus Ecclesijs, & beneficijs.

Quinimò licet non valeat consuetudo, vt laicus intersit electioni Episcopi, vel aliorum Prælatorum, vt iam dictum est, ex d. c. quod sicut, & c. cum terra. valet tamen consuetudo, quòd mors Prælati defuncti prius nùcietur Principi, & eius assensus requiratur de eligendo alio, ita vt si electio aliter fiat,

fiat, sit cassanda, ut originaliter decidit Innoc. d. c. quod sicut. sub
 num. 2. quem ibid. sequitur Io. Andr. col. 2. in princ. Host. vers.
 veruntamen. Anchar. sub num. 3. vers. subdit etiam. & Butr.
 num. 16. Io. de Selua in d. tract. de benef. p. 2. quest. 23. num. 5.
 vers. nono facit, & infra num. 25. & 31. & 34. Lup. in d. cap.
 per vestras. in d. introductione. sub nu. 25. vbi etiam addit ab-
 sente Rege monendum esse eius L. T. & sub num. 28. & 29.
 Thess. d. decis. 131. sub nu. 11. qui ad idem allegant etiam Zen-
 zelinum Videndum in d. extrauag. Io. 22. incip. execrabilis. vers.
 diuersorum Regum Regnorum. Corsett. de pot. Regia, quest. 11.
 Vers. item Valel. Abbatem Host. Io. Andr. Gemin. & Fely. in
 locis per eos ibi allegatis. Idque valde facit ad rem, de qua
 agimus; est enim in effectu Placitum Regium, quod præ-
 statur ante, vice eius, quod apud nos solet, præstari post,
 ut sentit. Butr. d. nu. 16., & refert Anchar. ex Compustella-
 no, ita seruari in Regnis Legionum, Castellæ, & Scotiæ;
 idem refert Io. de Selua d. nu. 34. ex glosa Pragm. & Hen-
 ric. Boich. seruari in multis Ecclesijs Franciæ, & in Ciui-
 tate Salernitana, & dicit Iupus ad fi. d. num. 29. Principes
 ita quotidie practicare; Et mouentur pro validitate talis
 consuetudinis, cum dicta ratione confidentiæ, quæ pariter
 hic militat; tum per tex. in d. cap. cum inter uniuersas in fin.
 extr. de elect. iuncta, ibi gl. verbo. Regiæ, & per tex. in d. c. lectis,
 & in c. cum longe § 3. dist. quæ iura optimè probare viden-
 tur; & per multa alia iura Canonica citata à Lupo sub d. nu. 25.,
 tum etiam quia, ut dicit idem Lupus nu. 20. tale ius est ad
 instar cuiusdam iurispatronatus, quod consuetudine quæ-
 ri potest. Et quanquam Abbas in d. c. quod sicut. num. 7.,
 dubitet de hac conclusione, tamen fatetur, eam cōmunem
 & mouetur rationibus tantum generalibus, & facilis reso-
 lutionis.

Quare videntur dicta decreta Io. Galeatij Vicecomitis Primi
 Mediolani Ducis supra in initio recensita non posse argui de
 violatione libertatis Ecclesiasticæ, licet Bossius in praxi tit.
 de Principe nu. 218. (cuius verba imprimi curarunt nostri
 Ecclesiastici in dicto vol. diuersorum Ecclesiasticorum im-
 presso Bononiæ) non consideratis prædictis, sed solum mo-

tus generalibus rationibus, contrarium senserit.

Quod deniq. attinet ad tertium caput, non videtur dubitandum de validitate talis consuetudinis, nempe quod mandata obtenta in Vrbe non mittantur executioni, in hoc Statu, nisi præiuncta licentia Oeconomorum, cum ita seruetur etiam in alijs Regnis, & Prouincijs Principum Christianorum, vt in Hispanijs, in Gallia, in Belgio, & alibi, *testibus Conarruuiæ præf. qq. d. c. 35. col. 7. sub num. 3. vers. sed & ex multis, & sub num. 4. & infra num. 6. & nouiss. Ceuall. in tract. de cognit. per viam viol. post prologum gl. 6. num. 62. vbi latissime insistant, demonstrantes ex communi legistarum, Canonistarum, & Theologorum sententia, talem consuetudinem nedum valere, & non esse libertatis Ecclesiasticæ detractiuam, sed etiam esse valde laudabilem, & necessariam pro bono pacis, & publica tranquillitate, & pro cultu iustitiæ, & Status conseruatione, quippè, quia non adhibeatur talis cognitio per modum iurisdictionis super Ecclesiasticis, quod non liceret, sed modo quodam potius extraiudiciali politico, & Oeconomico, vt videatur, num mandatum exequendum contineat, quid contra bonum publicum, per importunitatem, obreptionem, vel subreptionem obtentum, & contra Prouinciæ priuilegium, vt præcipue esset hic Mediolani contra d. Indultum Leoninum; quibus casibus tantisper supersedendum est, donec Summus Pontifex monitus, & de veritate, ac iustitia cercioratus, indemnitati Prouinciæ, & oppressorum prouideat.*

Reliquum nunc est, vt aliqua de prætensis abusibus differamus.

Animaduerti autem potissimum ad tria capita proposita in d. controuersijs secutis anno 1565. & 1595. tanquam abusus, quæ tamen vere non sunt abusus, neq; tolli possunt, nisi cum destructione officij Oeconomatus.

Primum est, quod Oeconomus exerceat munus suum, et quod ad Ecclesias Cathedrales, idq; esse abusum, quia dicta Bulla Clementis VII. non specificet de Cathedralibus, quæ non veniunt in generali sermone Ecclesiarum, quia sint dignæ speciali nota.

ecundum, quod pariter exercent munus suum quoad beneficia prouisa ab Ordinario.

Tertium, quod d. honorarium praestari solitum aurei vnus pro singulo beneficio, sit nimis excessuum.

Sed enim dicimus, nihil esse in his, quod nomen abusus mereatur, nec posse quicquam detrahi, nisi cum deturpatione, imo ferè totali interitu huius officij, in maximum Regiæ iurisdictionis, & publicæ vtilitatis detrimentum.

Quod enim spectat ad primum, multipliciter respondetur, vt respondebant dicto anno 1595. Per Ill. tunc D. Senator Trotius, & Per Ill. nunc D. Senator Cartaneus tunc Aduocatus Oeconomi, scilicet. Primò appellatione Ecclesiarum, in materia fauorabili venire etià Cathedrales, vt not. *DD. in cap. quamuis il 2. §. quanquam de preb. in 6. Abb. c. cum super. in 2. not. de sepult. , Felyn. c. in nostra. num. 40. vers. & intellige. de reser. prout fauorabile esse deputationem Oeconomi constat ex proemio d. Breuis Clementis VII. cum fiat ad tuenda bona Ecclesiarum ab vsurpationibus, & inuasionibus, qui finis nemini non fauorabilis videbitur. Secundo, quia ea Bulla Clem. VII. non loquitur de Ecclesijs Ciuitatis tantum, sed totius Status Mediolanensis, quo casu magis sine dubio etiam Cathedrales comprehenduntur, licet aliàs speciali nota dignæ videri possent, vt præcisè decidit lex. in d. §. quanquam, vers. secus autem. Et ibi not. glo. & DD. omnes, præsertim Gemin. num. 4., Fi anch. sub nu. 1. & ante eos Io. Andr. ante fin. nu. 1. vers. Prouinciæ, vbi vult, idem esse, quando de Ecclesijs alicuius Regni, Principatus, vel Ducatus facta sit mentio, Tertiò, quia ibi non fit mentio Ecclesiarum simpliciter, sed cum illa dictione *quarumcunq;* quo casu certius est, Cathedrales quoque comprehendi, *Felyn. in d. c. in nostra. sub nu. 40. vers. Fallit septimò, Rota decis. 233. num. 5. 7. p. p. in nouiss. iunctis not. per Ias. in l. 1. §. nunciatio. de oper. no. nunc.* Quarto, quia nulla ratio suadet hanc restrictionem, cum vtrobiq. militet eadem ratio, imò fortior in Cathedralibus, quarum cura, & custodia speciali iure spectat ad ipsos Principes, vt supra. Quintò, quia obseruantia ita declarauit, *ex not. latiss. per Ioseph. Lud. comm. concl.**

concl. tit. de consuet. concl. 1. Sextò denique, quia etiam circumscripta deputazione Pontificia, tamen sufficeret deputatio Regia, secundum prædicta, siquidem stante tali antiquissima consuetudine ut supra.

Quod spectat ad secundum satis patet responsio ex deductis à Patanella dicto anno 1565. ut supra iam relatam loco suo, scilicet antiquissimam consuetudinem, quæ seruanda est, talem esse indistinctè, quoad omnia beneficia, siue prouisa à Summo Pontifice, siuè ab Ordinario, ut constat ex integris voluminibus actorum ipsius Oeconomi, in quibus registrantur instrumenta Placitorum, quæ per Oeconomum præstantur, & d. ratione confidentiæ, vel diffidentiæ æquè utrobique militare. Et proindè non esse opus scrutari sensum verborum Bullæ Pontificiæ, quam solet ipse Oeconomus Regius impetrare, quia illa procuratur ad bene esse, & pro interesse Pontificis, quare quoad Ordinariorum debet, sufficere d. consuetudo; Præterquam quòd sensus eius Bullæ generalis est ad omnes prouisiones, ut supra relatam est, dum memini d. responsionis Patanellæ.

Quod deniq; attinet ad tertium Resp. stante tali antiquissima consuetudine, & obseruantia cessare prorsus omnem amaritudinem, ex notatis à fortiori per *Anchar. in d. cap. generali col. 1. circa med. super vers. qui autem. Archid. ibid. sub num. 1. & Io. And. col. fin. in princ. Gemin. col. 4. post medium super gl. Regi. Io. de Selua de benef. d. p. 2. quæst. 33. sub nu. 37. Cassan. de gloria Mundi p. 5. confid. 24. vers. 177., Franc. Marc. d. q. 44. n. 9. 12. Lup. in d. c. per vestras d. c. 2. incip. introductio n. 28. & ante istos Specul. tit. ne sede var. num. 7. dum dicunt, consuetudine posse acquiri ius lucrandi fructus bonorum Ecclesiasticorum tempore vacantiæ, quo sunt sub custodia Principis, & vocari Regalia, & ita seruari per Reges Franciæ, & Angliæ in multis Ecclesijs. Quanquam etiam citra omnem consuetudinem, tamen adhuc dicta modica mercedula deberetur, quia omnis labor optat præmium, & nemò militat proprijs stipendijs; qua ratione in puncto, quòd Oeconomi, seu custodes bonorum Ecclesiasticorum tempore vacationum debeant ratione laboris habere moderatas*

tas expensas , notat *gl. in d. c. generali. verbo. redditus. circa fi.*
Archid. ibid. in fi. Minusq; conquerendi causam habent
Ecclesiastici, quia antiquitus Oeconomi in hoc Statu deci-
mam pro se retinebant , vt supra narratum est , quare lau-
danda potius est moderatio modernorum Oeconomorum,
qui d. minimo honorario contenti sunt .

Cœterum si aliquos excessus committet Oeconomus , de qui-
bus doceatur , non deerit celerrima coercitio, ne iusta que-
rela Ecclesiasticis locus remaneat, quod valdè cordi est Sug-
Maiest. eiusq; Ministris .

Er ità &c. salua tamen censura Sanctæ Matris Ecclesiæ , cui
me semper subijcio .

Raudensis .